

12 Dum wil gagou'untk ga amām dit ā dumt wil halthal na halthalsht ā dum wilt hai'in t̄kamaush Christit :

13 Wagait dum wilt t̄kulwāda t̄kānish nūgum ga shagait gūelum shimhoudiksh ga, dilt̄h na gunwilai-gilsh di gisli ga Lthgōlthk gish ga Shimoigiat ga Lakāga, wagait dum wil shim whanahakhokshkgum giat dit, wagait dum wilt wā gushgoush shga giapshash ga gau ga wilholt̄k gish Christa ga :

14 Dum wil wha gik lthawila gubtgūelthk gum gwilt̄ht na'oi dit ligit lip dagau dida t̄kāni bāshgum shūwilaigiamgushk gut, a dum nawāshk ga giadit sha-naknogushk gut, ā na yāmgushk ga gishit,

15 Yagai shimhoum wāl da shie-bunshk gut dum wil maksha dida t̄kāni gau gish niat gū ga dumgoush ga ninish Christa ga ;

16 Gū wil wāt̄k ga gun shagait ama n'didau da t̄kamaut ada shagait n'didhoiyuksh dit ā nini lūwāl dida t̄kāni wil nakbābugut niwālda gushgou di lip halthal na shim gākbiē dit ninit in shagait sha akshiyā t̄kamaut wagait wil lip bash dida shie-bunshk gut.

17 Gun houyū da gwa, ada magunshk gi gish ga Miyān ga, ā wāt̄k ga dida giāon dum wha. wāluksha shim da wila wāluksha nagazāou wilzakzogut ā gulgagaudit.

18 Awil shakshgēuntk ga gagaudit, bishbashaguntk ga gish ga na gundidōlsh ga Shimoigiat ga Lakāga, āwil nini wha wilaigilsha lūhokshk ga da dash dupniat, āwil shipshai-buntk ga gagaudit ;

19 Awil ltha althga gik gilgialuk-sht gun lippeluksh gilginamtk ga dida t̄kāni hadadagum gaut ā dum wāl dida t̄kāni wha shikshakshk ga dit ā lūzagum gaudit.

20 Ada al althga n'lth ma shim di wila shūwilākshash Christ ;

21 Amiza yagai niadilt̄h na ma shim naknōit, adat niadilt̄h nat in shūwilaigiamga shim, niwālda wālsh ga shimhou ga lūhokshk gut gish Jesus :

22 A ma dum shamaga lthā giadit, gū niwālda na ltha wila dildōlsha shimt gū aloga dit, niwālda hadadagum nahagaut ;

23 Ada dum shashū giantk na haiga gagaud shimt,

24 Ada ma shim hoi shūgiadit gū Shimoigiat ga Lakāga gunwāldit, gun zapsha dida hoigiaga dit dilt̄h shakshk ga wāt̄k ga dida shimhout.

25 Ma gun shim shamaga biigut, ada am t̄kānish nā libilt shimhoum algiaga dida shilagiadit : āwil shagait n'dadedunt dilt̄h nagazāou'umt.

26 Lthiklthūundi shim, ada am gilau na hahadak ga shimt ; gilau ma za shim anauk za lūtikidoultha gianga da ashi lthiklthūundi shim ;

27 Ma za shim ligi shagulam dum wil dhā hadaka da haigut.

28 Am dum wha gik gālga na hukgālga dit ; yagai ām dum hūkshageluklth dit ā dumt halthal da ga'anon da gau ām dit, dum wil didau dum na ginama dida hakhāk ga dit.

29 Am dum wha kshawāt̄k ga gumshtā algiaga da gazumāk shimt yagai gau ā ām dit ā dum kshta'antk ga shgokshk ga dit, dum wilt ginam ām dish dupniat gūt in naknō dit.

30 Gilau ma shirshashiepk gish ga gaudsh ga Amt ga Haiksh ga Shimoigiat ga Lakāga gu'nt ha na shikshinlaida shim da sha nat hali kshagigiak shim.

31 Al shamaksha t̄kāni klthālshum gaudit hadagum giadit, lthū'undit, shaqultha houitgum lthū'undit, loga algiagut ā gwashim, dilt̄h gup t̄kāni hadak gut :